

四庫全書

子部

欽定四庫全書

子部

古今源流至論後集卷三

四

詳校官中書臣程炎

主事臣祁韻士覆勘

總校官臣庶吉士臣倉聖脉

校對官中書臣潘奕雋

謄錄監生臣俞昌言

謄錄監生臣王遇亨

欽定四庫全書

古今源流至論後集卷三

宋 林駟 撰

起居注

自黃帝命沮誦倉頡為左右史則五帝亦有史矣世至本

穆王有左史戎夫則三代亦有史矣尚書今之起居其左

右之遺制歟迨至漢武之起居注修於禁中漢武帝有禁中起居

東都之起居注修於宮後漢馬皇后撰明帝起居注則漢起居注為宮中女

史之是漢之所注特命女史為之而修注正官未有定

晉魏而下或令著作掌起居之史或命正字任起居之

事

自魏晉起居注則著作掌之其後起居皆侍近之臣錄記也錄其言行與其勲職有其職而無其官後又

別置起居注以他官領之至隋初以吏部散官又校書正字有著述之才者掌起居之職是歷代之

所注特他官領之而左右史官未定矣唐正觀始置起

居郎之員顯慶始置起居舍人之職其制詳悉視昔有

加焉

唐正觀二年省起居舍人置起居郎二人顯慶中復置起居舍人與郎分掌左右

至於國

朝起居郎隸門下起居舍人隸中書然皆為虛名不理

省事而典職者自號修起居注以三館校理以上充之

聖朝沿唐制起居郎隸門下起居舍人隸中書號小兩  
省官皆為虛名不治本省事而典職者自號修起居注  
凡二人以三館校理以上充不分左右元豐五年官制  
行罷修注而郎舍人始專其職畢行為郎蔡卞為舍人  
元豐以來改官制罷修注而郎舍人始專其事而起居  
注之員至是始定嗟夫出聯豹尾入侍螭頭密邇清光  
咫尺天顏何其榮也片言可錄濡毫直書一動少差汗  
青有愧何其重也夫人秉剛大正直之氣任榮近清貴  
之職安有隱而不書乎然自人主欲觀史也觸雷霆之  
威犯萬鈞之勢則有所諱忌而不敢書自奏事不直前

也出位者有戒離次者有責則有所退遜而不得言自  
前殿不立也聖言彰彰者知之而玉音密款者則不知  
廷紳退言者聞之而造膝前請者則不聞則又有所踈  
遠而不及注處是三難而修注之意輕矣竊嘗推究其  
制蓋莫善於唐亦莫不善於唐國朝始遵其善而鑒其  
不善而秉筆者始無含毫之耻且自唐正觀初欲觀起  
居注錄而史臣不進其制尚嚴爾

唐太宗謂諫議大夫褚遂良曰卿起居

記錄何事得觀之否對曰今之起居古左右史也人君  
言事且記善惡以為檢戒庶幾人主不為非法不聞帝

王親自觀史太宗曰朕有不善卿必書之耶遂良曰君舉必記至鄭有融以史進呈鄭

宰相有融為起居郎文宗謂宰臣曰云云時朗執筆螭頭下宰臣退上謂朗曰適議論卿記錄來吾試觀之朗對曰臣執筆所記兼名為史故事不可取於是人主有觀觀帝曰何妨一見以誠醜言朗遂進之

史之私國朝以起居注進御沿舊制也

淳化五年置起居院於禁中梁

周翰請起居注先進御後付史館從之

然乘快指揮一事偶有誤失天子

恐史官書之若是亦不害其為觀史

寶訓太祖嘗一日罷朝御便殿坐俛

首不言者久之內使王繼恩進曰陛下不同常日語笑宴樂不知其故上曰爾謂帝王可容易行事耶早來前殿我乘快指揮一事偶有誤失史官必書之我所以不樂也厥後歐陽乞不進本之

請猶欲憂明主危治世矣

嘉祐四年歐陽修言日歷時政記起居臣乞更不進本前

責少修史職

唐初諫官或兼知起居注或兼起居事同宰相

奏事是非可否得以直前

唐詔宰相入內平章大計必隨諫官同入議褚遂良以諫

識大夫兼知起居注之類

其意尚隆爾自長慶後記言之職惟編詔

書不及他事於是無奏事之制

長慶後宰相佛衛置時政記率事非其實未幾

亦罷而起居郎由因書制起居舍人居記言之職惟編詔書不及他事

國朝左右史奏事

必稟中書候旨沿舊制也

四朝志元豐中兼修注王存乞復起居郎舍人之職使得

盡聞明天子德音退而書之神宗亦謂人臣奏對有頗解誕惡者君左右有史官書之則無所售其奸矣故事



左右雖曰侍立而欲奏事必然以諫官而兼修注者亦

不移牒閣門奏事後殿若是亦未嘗不許直奏熙寧四年同修

起居注同知諫院張琥乞今後起居注常令諫官一員兼領所書左右史之職稍不曠廢詔諫官兼修起居注

者後殿侍立亦許奏事更不牒閣門長編厥後王存直奏之請猶欲不兼諫

職而皆許直前矣元豐中王存乞復起居之職雖不兼諫職亦許直前奏矣唐初人

君御正殿二史分侍臨陛俯聽退而書之其職至親爾

通典每皇帝御殿前對立於殿有命則臨陛俯聽退而書之以為起居注自武宗時隨仗而

退不復簪筆武宗即位隨仗而退於是無分立前殿之

制國初御正殿則不侍過朝會則對立亦沿舊制也朝

聖朝

天子御正殿記注官不侍左右唯朝會對立於香案前常日則更番遞直於崇正殿延和殿行幸則從上出入

然御崇政長春之時有中書以記宣諭樞宥以記機密

亦未嘗無史官之記

梁周翰言請自今崇德殿長春殿皇帝宣諭之言侍臣論列之事中

書修為時政記其樞密事涉機密亦令修纂

厥後鄭居中前殿並立之請亦

為美意然故事徒存而直筆不聞焉君子惜之

石林宴語崇政

初鄭居中乞前殿皆入立如後殿雖存是制也紹聖姦

故事而奏對語畧不與聞亦不敢自是

臣以乞不旁立而壞身奏事者許侍立紹聖元年黃履

言所奏或干機密  
難令侍立乃止

崇寧小人以不書奏對而失

見紹興

諛臣復不補記注而廢

泰檜當國記注言不補自紹興九年以後起居注不修者十五

年用洪延言始修

而祖宗所以防謹言動之官廢矣至隆興以

來廷紳始嚴記注之制一曰人主不當觀史二曰立非

其地三曰前殿不立四曰奏不直前孝宗皇帝慨然復

歐陽之舊典申王存之遺意獨立於東南之制不變焉

隆興元年胡銓奏記注之失有四一人主不當觀史國  
朝梁周翰以起居注進御慶厯中歐陽修乞不進本仁  
宗從之今望遵仁宗之訓二立非其地國朝記注之職  
立於座後歐陽謂人主言動必書乃立於前修罷乃令

於殿前之東南隅言動不聞乞後歐陽修之制三殿前不立舊制前後殿皆侍立今獨後殿侍立而前殿不立四奏不直前臣欲直前奏事開門以不預牒却之嘗預牒矣又以無班為辭是雖有直前之名而無可奏之時夫不觀史之制既嚴有善必書有過必錄君無微愆矣前殿侍立之制既定面奏天語親聆聖謨史無遺事矣直前奏事之制既通披露情素竭効忠誠臣無諱言矣至所立之地循而不改非有他意也正欲存螭頭之舊爾嘗以立螭之制攷之唐志云伏在紫宸夾香案分立殿下直第二螭首是唐之所立在殿下矣

唐百官志若伏在紫宸內

閣則夾香案分立殿下直第至歐陽公請立上前北面  
二螭首和墨濡筆皆即扃處

而立雖近唐制而非居殿下是慶厯所立又在殿上矣

歐陽公請立之上前北面以視而後纖悉得以備錄云云蓋汴京殿陛之制不與唐

同汴地坦夷殿級不越尋丈若退居螭首則不能俯陛

聽事故難循唐之舊迹今紹興不立上前而立於東南

者豈非存唐立螭之制歟雖曰唐人之螭存於殿下紹

興之螭存於殿角然亦有遺焉耳程大昌演繁露云本成營造法式螭首施

之對柱及殿四角今二史立東南隅其並立殿角隨階之螭歟以其皆為石螭遂認為唐螭非其地也孝

宗之制豈不盡善歟今朝廷清明言論無隱龍仗承旨  
螭墨增光故欲觀祖宗記注之史請自孝宗欲觀孝宗  
記注之史請自今日

### 檢鼓院

國朝檢鼓院之置何始乎蓋源流於周人肺石路鼓之

制而因仍於唐人匭院登聞鼓之舊

唐武后置匭於朝東曰延恩西曰伸

冤餘見後

又唐大歷四年詔天下冤滯於廟堂受詞推決尚未盡者聽槌登聞鼓

其要在於通

下情達民枉耳大抵有關雉麟趾之意而後可以行周

官之法度無先王之仁心而徒用先王之仁政則皆其  
壅蔽之漸也昔周肺石職於司寇路鼓建於太僕而守  
於僕御宜若斯民之不直者悉得造其地伸其情庶無  
負置官設物之意然質之詩書問其至於肺石之立者  
幾何人問其擊於路鼓者幾何人夷考其時寥寥無聞  
豈周人特為文具耶抑當時不能直造其地耶蓋天下  
之情求於急迫之際者不若求於暇豫之日待其怨憤  
而後發者不若情意素通之為愈吾觀成周所以待民

者抑何仁之至義之盡耶掌治朝之法而待萬民之逆者宰夫固嘗職之矣掌外朝之治以致萬民而咨之者小司寇又嘗職之矣咨於衆庶則各帥而致於朝者卿大夫亦嘗任其事矣夫此一民也當無事之時既待之於治朝又待之於外朝又致之於鄉吏平時有言無往不盡而抑鬱不平之憤不復洩於他日故肺石雖設而斯民未嘗立也路鼓雖建而斯民未嘗擊也彼民胡為而不立斯石而不擊斯鼓哉吁可言而不言則失之隱



不可言而或言則失之狂周民固無隱也而豈敢為狂

哉彼唐人設物之意何其待民之薄耶武后置匭於朝

東曰延恩西曰仲寬似有周人肺石之舊

通鑑太后命鑄銅為匭置

之朝堂又受天下表疏銘其東曰延恩南曰招徠西曰仲寬北曰通元命正諫補闕拾遺一人掌之先責職官

乃聽投表疏

然是時羅織紛紜萋菲成獄猶不能伸縉紳之

冤況吾民乎

同上太后自徐敬業之反疑天下人多圖已欲大誅殺以威之乃盛開告密之門告

密者稱旨則不次除官無實者不問於是四方告密者蜂起人皆重足屏息索元禮性殘忍推一人必令引數十百人來俊臣效之周興萬國俊等共撰羅織經數千言教其徒網羅無辜

德宗設鼓於朝

名曰登聞受詞伸訴似有周人路鼓之制然是時群臣

跼蹐不獲奏陳猶見於軒墀之間況天下乎

德宗問陸贄以當今

切務陸贄曰云云陛下嚴遠高居未嘗降旨臨問群臣跼蹐超退亦不列事奏陳軒墀之間且未相諭宇宙之

廣何由自通餘見上

嗟夫周之君民相通於平居之暇故未嘗因

其文而始至唐之君民素有壅塞不相孚之意故雖有

其具而不敢告噫民愚若神烏可以文欺哉然則循唐

之制復周之意其惟我朝乎國初有匭院有鼓司雍

熙則改匭院為登聞檢院始命樞密直學士張詠判之

以隸諫議大夫

國初雍熙元年改 院為登聞乃依唐諫官一員判院景

德四年改為登聞檢院命樞密直學士張詠判隸諫議大夫掌受文武官及士民章奏事凡言朝廷得失公私利病軍期機密陳乞恩賞理雪冤滯願進狀者先鼓院若有所抑詣檢院 景德則改鼓司為

登聞鼓院始命知制誥周起判之以隸司諫正言

國初

司以內臣掌之鼓在宣德門南街西廊至道二年命太子中舍王濟勾當鼓司用朝臣勾當自此始至景德四年詔改為登聞鼓院命知制誥周起同判掌諸上封受而進之以隸司諫正言 至建炎則置局

於闕門之前欲其勢之易親也

建炎元年因舊制置局於闕門之前 紹興

則揭書檢鼓司所言之目欲其民之易知也

紹興九年臣寮言檢

鼓司之目有六鼓司之目有八乞令此特其創立之制  
兩司將申令所載名件分明揭示之

然招徠人言通達下情已見於不言同然之表是故假

豚之失似細故也牟暉得擊鼓以告其事

淳化四年京畿民牟暉擊

登聞鼓訴家奴失假豚詔令賜千錢償其直因語宰相曰似此細事悉訴於朕亦為聽決大可笑也然推此心

以臨天下可以無冤民矣考校之失似微過也徐士廉伐鼓以伸其

憤開寶五年扈蒙奏名合格進士上以武濟川朴質最

訴昉上令覆試士秋旱之變小民雖賤得詣登聞而自

訴大中祥符九年大名府民伐登聞鼓訴秋旱詔遣官視按蠲其賦

王清之災齋郎雖

卑得詣鼓院而力陳

仁宗朝玉清宮火災齋  
郎詣登聞鼓院言其弊

鄭俠詣檢

鼓言新法之害雖安石大臣不恤也

熙寧八年鄭俠詣  
登聞檢院上書言

新法不便丁謂判檢  
院延坐啜茶坐落職

翟馬周詣鼓院訴中書不憂邊之

罪雖李昉元宰不忌也

端拱元年翟馬周擊鼓訟李昉  
職任元宰不憂邊思患昉以是

罷

不特此爾三司言胥吏不得撾鼓言事而上則曰彼

若不言朝廷何由盡知三衙言諸軍所訴令鼓司勿受

而上則曰若不明諭有司則人有冤滯丞相之子則不

令判鼓院慮訴事不得盡達而觀望有所不敢言也

治平

四年楊繪言宰相不當用其子判鼓院上謂御史中丞  
滕甫曰繪不習朝廷事鼓院傳達而已何與於事甫曰  
人有訴宰相者使其子傳達之可乎且天下  
見宰相子在是豈復敢訴事上悟亦罷之

近臣看詳

檢院封事則遽罷看詳慮可否不親決而羣下有所不

敢盡言也

仁宗朝令近臣看詳檢院所上封事范諷上言乞遂看詳從之

是意一孚愚

民作氣田野纖悉無隱於冕旒之前堂陛闊略無忽於

草茅之賤是豈矯飾強勉之為哉蓋彼之未訴也其情

已通於無事之頃彼之入告也其言自達於設物之時

不然山林布衣執論行都

張齊賢

錦工獄吏司對殿陛

王贊

豈必待檢院乎常山布衣進說敢言京師細民妄議朝政豈必待鼓司乎嗚呼祖宗之待民如何苟謂因是而後得其情則待其君薄矣祖宗之心其成周之心歟欲知周道請觀今日

運司

自漢初用蕭何計戶轉漕而後有漕運之名

蕭何關中計戶轉輸

餉

自唐先天用李傑為水陸發運使而後有漕運之官

漢雖置司事已輒罷君子不必論之若唐則有可言者

蓋自永徽以前供給易贍先天以後用度浸廣於是用

李傑充使焉漕法尚未詳也

李傑傳先天中進水陸發運使注云太宗時用物有

節而易贍水陸漕運歲不過二十萬石故漕事簡開元以來自太原倉北運浮于渭以實關中故當時有陸運

有水運以裴耀卿為侍郎兼江淮都發運使

至開元後車駕東巡欲實關輔

裴耀卿為使乃講明廣漕之法河口置倉分入河洛則

東倉受之三川迫險鑿山開道則西倉受之未及三年

積七百萬石省費三千萬緡自是而後漕職愈重唐人

往往藉此以為國家之用

開元初京師饑元宗將幸東都召問所以救人者裴耀卿



曰陛下既東巡百官畢從則太倉三輔可遣重臣分道賑給自東都益廣漕運以實關輔為國大計臣願廣陝運道使京師常有三年食雖水旱不足憂且河南租船候水始進矣工不便河漕處處停留易生隱盜請置倉河口以納東租然後官自雇船分入河洛度三門東西各築厰倉自東至者東倉受之三門迫險則傍河鑿山以開車道運十數里西倉受之度宜徐運抵太原倉趨河入渭更無留阻可減費鉅萬天子然其言拜侍郎充轉運使於是置河陰孟津二門倉引天下租由孟津沂河而西三年積七百萬石省運費三十萬緡

安史

之變國用匱矣旬農按穗饟無晨煙晏也講明利害至

有四十萬斛之衍

劉晏傳時大兵後京師米斗千錢禁膳不兼時旬農按穗以輸晏乃按行

二門遺迹視李傑新堤盡得其利病乃移書於宰相元載以為大抵運之利與害各有四京師三輔苦稅入之

重進湖粟可減徭賦半為一利云云起宜陽熊耳虎牢成皋五百里見口纔千餘居無尺椽爨無晨煙而使轉車輓漕功且難就為一病云云盡以漕事委晏凡歲致四十萬斛物不翔貴靈耀之反國賦

絕矣藩臣自擅州縣益削琦也權鹽佐軍而有二百萬

緡之利

李靈耀反河南節帥或不奉法擅征賦州縣益削第五琦為運使始權鹽佐軍興晏代之法益

密初歲取緡錢六十萬末乃歲入二百萬噫江淮之運少緩而六軍脫巾韓

滉之米一至而君臣相慶唐人安得不以漕權為重乎

德宗時江淮米不至六軍脫巾於道上憂之會韓滉米運至陝上喜謂太子曰米已至陝吾父子得生矣置酒

相太祖始命高防邊光範充北路轉運使是時蓋因平

澤潞而置也

始太祖時平澤潞則命戶部侍郎高防兵部侍郎邊光範充北路轉運使用師湖南

則命部判官滕白充南面給事中沈義倫充京西水陸轉運使是也至於命何幼冲充東面劉仁遂充西面曹翰充南面胡玩充北

面皆水陸轉運使

太宗始命樂冲郭泌為水陸轉運

使是時蓋因平太原而設也

太宗時加劉保勲為河東京西四面轉運使樂冲為

太原管內水陸轉運使郭泌為御河至關南水陸轉運使王在田為陸路轉運使崔邁為水陸判官或謂路或謂道或曰知或曰同知或曰同或曰幹當

皆緣用武貴以饋運之職也呂原增釋云

然軍興則置

軍寢則罷蓋以國初東征西討王師頻年軍餉未易卒

辦始專置司以主之此如漢之轉漕關中唐之漕運江

淮餽糧之外他無所與非如今之所謂監司之職

同初

未嘗有監司之目其始除轉運使上因軍興專主糧餉至班師即停罷

自高保寅奏支郡

為藩帥所制李幹亦言關市為藩鎮所專遂設轉運之

官分別藩閫之權

始轉運一司隸州縣皆在一時初無定制所主掌者惟糧餉而已自高保

寅知懷州州隸河陽時趙普為河陽帥與保寅素有隙事多抑滯保寅不能平手疏請罷支郡會左拾遺李幹亦言諸州藩鎮支屬州郡多俾親吏掌其關市頗不便於商賈滯天下之貨望不令有所統攝時太平興國三年也遂詔邠寧等州先隸藩鎮直屬京師自是而後凡邊防盜賊刑獄按廉

之任無所不總非但金穀而已

自是而後邊防盜賊刑獄金穀按廉之任皆委

於轉運使又節次以天下之地形勢俾之分路而治矣  
繼增轉運使判官以京官為之於是轉運使於一路之  
事無所不總  
**出使廣南掩擊蠻賊任邊防也**  
真宗大中祥符二年五月廣南

西路轉運使言如洪審主殿直李文著以輕兵掩襲蠻  
賊文著中流矢死其隨文著將校八人本司並斬訖七  
年八月梓州轉運使寇賊言本使公宇在梓遂州去戎  
廬地遠或戎人緩急寇邊難於照應請置賀州詔從之  
以此知轉運司總邊  
防之事也並同上  
**行部益郡雪理冤獄任刑訟也**  
大中

祥符二年以待御史趙稹為益州轉運使蒲江縣捕盜  
不得反係平民數十楚箠強服合其辭若無疑者積行  
部馳入縣獄盡  
得其冤釋出之  
**王綽楊紘將漕江東得專窘擿之任按**

**廉所職也**  
富弼薦楊紘為江東轉運紘嘗言不法之人  
不可貸如使肆貪於一郡一邑害良民千萬

家不若去之不利一家耳聞者望風解去云又慶厯中漕司楊紘王綽提刑王鼎頗仄刻深號江東三虎張

齊賢丁謂除使漕青兼帶盜賊之銜盜賊所職也

真宗朝知

青州張齊賢兼提舉青淄濰等州轉運巡檢盜賊事知鄆州丁謂兼提舉鄆齊濮等州轉運巡檢賊盜事呂原

增釋

厥後憲臺一出漕權漸輕邊防之任憲實主之漕不

知也刑獄之任憲實主之漕不知也盜賊之任憲實主

之漕亦不知也

真宗景德四年置提刑至天聖六年罷又明道二年冬復置自後提刑一司雖

專以提刑為事封樁錢穀盜賊保甲軍器河渠事務浸繁權勢益重而轉運所總惟財賦綱運之責而已又

真宗即位省罷建受之官景德間遂建提刑一司實分漕使之權又以武臣帶閣職者副之熙寧中議罷武臣

提刑或謂真宗時以武臣提刑令譏察漕司也監司之官既衆所領之職又分諸路復以知州帶諸路安撫鈐轄等名目自領軍事而漕司所職催科徵賦出納金穀應辦上供輦漕綱運數事而已至按廉一

任憲主之倉主之帥又主之而漕復不得而專是漕所司者其惟綱運征賦之事乎夫專以征賦綱運為責也將為國計耶則筭楚秋霜期限星火而民力困矣將為民計耶則版曹文移朝廷責督而國課嚴矣噫民者邦之本也本固則邦寧吾求足其國而虧其本以培之可乎民以食為天也而君以民為天也吾過取於民則是

奪所天而不顧其君之天可乎嗚呼朝廷之財根本在

州縣州縣之財根本在民括民之財以入州縣括州縣

之財以入朝廷此富公所以隱憂

富公知青州朝廷輦青州之財入于京師

富公上疏言之

噫劉晏猶能罷無名之歛

上元寶應間晏以官船漕而吏主驛事罷

無名之歛正鹽官船以裨用度

第五琦尚有不益賦之名

本傳琦當軍興隨事促辦

人不益賦而用以饒

況我朝之名公乎是故任河北之漕者至闕

民租數百萬計使漢之弘羊而知此寧不有愧心耶

皇祐

三年河北轉運使呂公弼為天章閣待制河北都轉運使公弼在職闕冗賦及民負責不能償者數百萬計而



官用亦饒上  
加秩任之

為七閩之漕者代納鹽錢三十萬緡使唐

之楊炎而聞此寧不有覲面目耶

紹聖三十年福建漕王時升言到官纔一

考見樞上供庫錢三十萬緡欲代納本路拖欠鹽錢上  
從之宰執奏合旌賞上曰漕臣能節度州而代納百姓

積欠理宜勸激恐他路聞之妄認  
以為羨餘俟政績著聞與陞職名  
羨餘為獻聚歛者為

之而彭公思永不忍為也

彭思永為荆湖北路漕運時大農誘諸路使以羨餘為獻

公曰哀民取賞吾  
不忍為遂無所獻  
掄拾羨餘俗吏能之而楊公察所不

能也  
慶曆三年詔江南東路漕運使楊察入為右正言知制誥察在部專以舉官為急務察曰此按察職

也苟掄拾羨餘俗  
吏能之何必我哉  
石炭有稅此常賦也寧去之而不租

陳堯佐為河東漕運地寒而民貧奏除石炭稅減官治鉄課數十萬以便民曰轉運征利之官也利有本末下有餘則上足吾寧為俗吏哉 差役等事此公法也寧奏之而不行忠

宣公權成都府轉運使兼領農田水利等事嘆以新法於民不便反復論奏戒約州郡未得遽行 噫皮

之不存毛將安傅諸公審之熟矣陳堯佐有言轉運征

利之官也利有本末下有餘則上足誠知本之論歟上見

雖然王旦以朝廷權利之至戒張士遜而士遜終不

敢求錐刀之利真宗時張士遜為江南轉運使辭王文正公曰求教公曰朝廷權利至矣後士

遜思之未嘗求刀錐王安石以沮格新法之故据范純仁而純仁

不獲行便民之政

王安石怒純仁權成都漕運沮此又格新法使門下人捃摭公私事

廟堂之責也漕臣何尤焉

### 京兆尹

周之六鄉六卿分治秦之畿甸治以內史此京尹之始

制也

漢官表內史周官掌治京師景帝二年分置左右內史武帝太初元年更名右內史為京兆尹左內

史為左馮翊又本表主爵中尉秦官掌列侯景帝中六年更名都尉武帝太初元年更名右扶風作右史內地

與左馮翊京兆尹是為三輔後列侯更屬大鴻臚

漢之始也以內史治京師之

民以主爵中尉治京師之列侯而諸陵豪右則又屬於

太常所以然者蓋懲強弱相陵之弊耳

上見其後也

武帝

以右內史為京兆尹以左內史為左馮翊以主爵中尉

為右扶風專治其民而列侯則改屬鴻臚所以然者

蓋廣三輔之治耳

上見

又其後也元帝分陵邑以屬三

輔命三輔以糾列侯豪右民庶皆得同治

本紀

所以然

者蓋因列侯犯法之故耳然嘗論之初年所任如石慶

寬之徒大抵皆循良慈愛之吏

並本紀皆為內史

末年所用

如王尊王章王駿之流徃徃嚴毅威名之人

京尹如王尊王章王

駸皆有治聲民歌曰抑何也盖内史始專治民吏訟簡  
前有趙張後有三王抑何也盖内史始專治民吏訟簡  
寡而易辨民心謹畏而易化故其勢不得不寬至三輔  
同治列侯彼此植黨通謀桀駕難繩倚勢作威縱肆莫  
治故其勢不得不嚴是非厭寬柔而尚慘酷以治庶民  
與治列侯異也大抵京畿繁劇之衝也豪右民庶之蠹  
也向非扶弱抑強凜然風采斷獄視刑恢乎餘刃則何  
以壯根本之勢哉不特漢為然也唐李元絃決三輔之  
渠而權貴沮氣

唐李元絃權京兆尹詔決三輔渠時王  
主權家皆旁渠立碓踏渴爭利元絃勅

吏盡毀之許孟容捕神策之吏而闔寺屏息

許孟容為京兆尹神策軍自與

元後驕恣府縣不能制軍吏李昱貸富民錢不肯歸孟容遣吏捕詰之與之期使償曰不如期者死一軍盡驚訴於朝憲宗詔以昱付軍治之奏曰不奉詔臣當誅然臣職司輦下當為抑豪強京師豪右大服蓋自

漢以三輔同治列侯豪右之後歷代相仍為京尹者大抵皆然也國朝以汴都為儀刑之地以尹牧為彈壓之司莫不以優治繁冗為能以不畏強禦為任而風聲遠出於漢唐之右聽斷明審府無留事章聖至賦詩勞之則有若周起周起知開封府聽斷明審府無留事真聽宗以為材至嘗幸其府問勞賦詩樂歌聽

斷繁冗庭無留訟裕陵以稱職獎之則有若蔡齊

元豐初蔡

文忠公以翰林學士尹京師鄭滑二大藩廢為縣合王

畿二十餘邑真為浩穰獄訟繁冗蔡公聽斷庭無留訴

裕陵以稱職訓獎

剖決精敏姦無所假則李穆其人也

太平興國八年以翰林學士李穆知開封府剖決精敏

奸猾無所假貸豪右屏息權貴不敢干以私上知其材

有意

大用決事神速獄常屢空則程琳其人也

程琳明道二年以翰林侍

講學士知開封府前知開封者苦其治劇或不滿歲輒

罷不然被譏謗或以事去獨琳居數歲而治益精明決

事神速一歲中

獄空者四五其優治繁冗為如何王巖叟能使老姦

自然畏栗

王巖叟知開封府舊以推判官分左右聽二人共治每有異同異日不決官吏疲於咨栗

罪人困於留係公至首立逐官分治之法且不役精神  
智力如在無事小郎者而老奸吏自然畏栗至不敢欺

杜衍自使權要不敢有干

杜衍知開封舊常權貴有干其法而能不為屈者世皆為

難至公能使權要不敢有所干凡其為治以聽斷盜  
訟為能否爾獨公始有餘力省其民事如治已州

姜

遵公直清政擦子之謠京師傳播

蔡官制朝廷以開封府為潛邸乃知少尹

作權知府自是常帶權字其後人以翰林學士雜學士  
為之選用皆人望蓋四方取則之地政尚嚴明而以彈  
壓為先章聖仁宗朝姜遵薛奎皆以公直而政清

包拯

剛嚴不私包老之謠遠近稱嘆其不畏強禦為如何

包孝

肅知開封府天性峭嚴未嘗有笑容人謂包希仁笑比  
黃河清又知開封府為人剛毅不可以私干京師為之



語曰闕節不到有闕羅  
包老吏民畏服稱之

夫數君子豈不能沽鸞鳳之名

而去鸛鴈之操植桃李之恩而除棘荆之怨哉誠以輦

轂之下奸猾囊橐劇要之所文書丘山非明不足以聽

斷非嚴不足以折姦不可以外地遠郡例論也是故薛

奎本循吏也居蜀之日以德愛稱至尹開封嚴肅為治

民至私以俚語目之且戒曰是不可犯

薛奎在開封以嚴為治肅清京

師民至私以俚語目之且相戒曰  
是不可犯及居蜀則以惠愛稱

蘇頌本惠人也守杭

之日盡釋係民至尹開封頗嚴鞭朴謂京師浩穰當以

柱後惠文治之非毫穎卧治之比

蘇頌尹開封頗嚴鞭朴以謂京師浩穰須

彈壓當以柱後惠文治之非毫穎

二公補外則以寬守

卧治之比先治杭州釋係禁民

內則以嚴煖然而春淒然而秋其知寬猛之術乎其知

牧守之要乎或者且曰歐陽修不事風采范純禮一切

以寬亦不失為尹京之能吏豈專在於乳虎蒼鷹之酷

耶曰不然歐公承包希仁威嚴之後純禮繼吳居厚刻

深之餘京畿清肅吏民敬畏固不待施嚴毅之政則以

寬濟猛特一時權宜之用非可常論也愚故詳及之

嘉祐

二年歐陽修知開封府承包拯威嚴之後一切循理不事風采或以為修言修曰人性各有所長短誠不能捨所長強所短也又元符三年范純禮知開封府先是吳居厚尹京以深刻為治范純禮一切寬之或以為言純禮曰深刻之後若益以猛是以火濟火也

### 東南財賦

嘗觀夏書所論揚州之貢其田則下下而不及於諸州

其貢則齒革而不言於絲紵

書禹貢

又觀周禮職方所載

揚州之賦其穀則宜稻而他種皆非所有其利則金錫

竹箭而絲枲亦非所宜

周禮職方氏

夫揚州東南之沃壤也

自夏歷周幾百年矣而地利瘠薄民物鮮少禹貢周禮  
皆不稱之何耶謂其水患之未平則降丘宅土播穀貿  
貨夏時已無廢業矣謂其人力之不及則出粟勉耕出  
帛勸蠶周時已無遺利矣且不特夏周之粟帛也漢之  
會稽一郡則今之兩浙路也而獨海鹽有鹽官廬江九  
江二郡乃今淮甸間也獨皖城有鐵官而無鹽官則知  
漢之鹽鐵官之置多見於西北而不見於東南矣

漢地理志

會稽郡屬江都揚州海鹽縣故武原鄉有鹽官廬江郡九江郡並屬揚州廬江皖城縣有鐵官又不特

漢之鹽鐵也元始總天下之戶口自淮而南止當二百餘萬是則漢人萬里南邦僅當天下四分之一也後晉武平吳藉其民力纔當五十餘萬晉秦分爭民物重困僅當天下五分之一也至隋平陳總江浙閩中不盈三十萬戶是又東南分裂民物彫耗僅當天下七分之一也

並杜佑通典

則知自漢至隋戶口之數而東南往往不及

諸郡矣愚嘗推攷其故天無常時地無常利皆隨世運去留以為盛衰之故意者天將興帝王於數百載之後

必眷斯民於數百載之前是以東南財賦不勝於夏周  
漢隋之時而勝於李唐聖宋之朝者正以久其所蓄以  
大今日之所發也粵自漁陽唱亂之後河北淪於藩鎮  
而國用全在東南故李吉甫上國計簿總計天下方鎮  
除十五道不申戶口外歲所倚辦止於浙東西宣歙淮  
南江西鄂岳福建湖南八道四十九州一百四十四萬戶  
比天寶三分增一

通鑑憲宗紀元和三年李吉甫撰元  
和國紀簿上之總計天下方鎮四十

八州府二百九十五縣千四百五十二其鳳翔廊坊邠  
寧振武涇原銀夏靈鹽河東易定魏博鎮冀范陽滄景

淮西淄清等十五道七十一州不申戶口外每歲貢賦止於浙東宣歙淮南江西鄆岳福建湖南八道四十九州一百四十四萬戶口比天寶三分增一當時指曰江淮財賦之淵也又曰

江淮天下教倉也張巡許遠所以濟用度者在是第五

琦所以充府庫者在是

通鑑肅宗紀

劉晏任職財賦日倍漕

運江淮致米數十萬斛倍貞觀轉運東南之數

通鑑代宗紀自

喪亂以來汴水堙廢百姓接穗以給禁軍劉晏乃疏浚汴水遺元載書具陳利害自是每歲運米數十萬石以給關中唐世漕運之能者惟晏為稱首時晏為河南江淮以東轉運使謹察鹽利收錢六

百萬緡過第五琦推鹽佐軍之法

同上至德初第五琦始推鹽以佐軍用後

劉晏代之法益精密初歲入錢六十萬緡末年所入踰十倍而人不厭苦大厯末計一歲征賦所入總二千一百萬緡而鹽利居其大半以鹽為漕傭自江淮至渭橋率萬斛傭七十緡自淮以北列置巡院鬻僧于

揚貿銅易薪于淮楚則歲得緡錢十餘萬焉晏悉諸淮楚間貿銅

易薪歲得緡錢十餘萬此東南財賦至唐而盛也至於國朝視唐

尤倍上天降康年豐時和下民安業物蕃俗阜是故漕

運之數陝西所漕五十萬陳許所漕四十萬京東所漕

十二萬而東南至三百萬焉至道元年先是汴河運東南諸路米三百萬石菽一

百萬石黃河運陝西蒲州粟五十萬石菽二十萬石惠民河運陳許等郡粟四十萬石菽二十萬石廣濟河運



京東列郡粟十三萬石是歲鹽課之利河北之鹽素無汴河運米至五百八十萬石

禁榷解池之鹽多至減耗而淮鹽最資國用焉呂東萊論禁榷

之利惟是海鹽與解池之鹽最資國用南方之鹽皆出於海北方之鹽皆出於池就海論之惟淮鹽最資國用如蜀中之鹽自贍一方大農之國計不與焉河北之鹽自安史亂河北一路緣藩鎮據有河北鹽本朝固以鹽定稅所以河北一路鹽無禁榷以言其鼓鑄則饒之永年池之永豐江

之廣寧韶之永通監虔之鑄錢院無非東南所出也中興

小歷國初諸州鑄錢監惟饒之永年最古自唐乾元初創本朝於至道中增池之永豐咸平中增江之廣寧而虔之鑄錢院大觀始建兵興以來鼓鑄增損舊數是年始令永豐監卒寓役於虔益移少以就多也會要又有

韶州永通惠州阜民永平軍華州陝州等處蓋景德增置也

以言其權茶則閩之建

州漢之斬口鄂之咸寧湖北之諸郡無非東南所產也

筆談乾德二年詔在京建州漢蘄口各置權貨務淳化四年行交引罷貼射法又王德用歷史六路租茶歲計三十三萬八千六百八十八貫有奇湖北獨當一十萬二千二百三十一貫有奇而重一州所權無慮三萬九千緡

諸邑之中咸寧又獨太重

至熙寧分天下為十二路而淮漢以南已

居其五總天下千六百餘萬戶而淮漢以南已當千有

餘萬戶此東南財賦至國朝而尤盛也

長編

噫天非眷李

唐也正以眷祖宗也天固眷祖宗也尤以眷今日也猗

歟休哉春至而百卉榮雷震而萬蟄奮佳氣蔥蔥莫不  
在涵育之內天地於此乎合四時於此乎交會風雨而  
和陰陽者此其根本也休祥之所降珍產之所聚湊車  
舟而朝玉帛者此其都會也然則天意有待於帝王之  
興安得地利不盛於東南歟

### 會計司

理天下之財易會天下之財難嘗觀周禮一書半論理  
財而會計一司何其周思曲慮耶夫職內職歲職幣司

裘掌皮均之為理財也宜屬於太府而司會皆主之司會之權不亦重乎司書所掌六典八法八則以治邦國都鄙官府也宜屬於太宰而司會得主之司會之書不亦備乎大抵會計之權重則糾察稽攷得行於諸府之中會計之書備則出入虛盈得攷於用度之際此周人所以善理財也歟

並周禮司會

漢自高祖立法舉天下之財

賦盡入於治粟內史又有計相以總之尚書以會之則

計簿之職嚴矣

漢百官表治粟內史秦官掌錢穀有兩丞景帝後元年更大農令武帝太初元

年更名大司農又張蒼傳蒼為相國府計然自計相之相總天下計簿又周禮司會如今之尚書

職罷

蒼死計相不除人

而丞相不知錢穀出入之數

文帝問陳平周勃錢

穀出入勃不能對平曰問之治粟內史

尚書之權輕

漢官表少府屬官有尚書

而官帑

有放散官錢之弊

韓延壽放散官錢得罪

甚至計簿具文務為欺

謾往往督責三公

宣紀黃龍元年詔方今天下少事徭役省減兵革不動而民多貧盜賊不

少其咎安在上計簿具文而已務為欺謾以逋其課三公不以為意朕將安任

而膠東戶口偽

增萬餘

王成傳成偽增膠東戶口萬餘得加職

樂成隱田幾四百頃

康置傳

終不得檢捉其姦也唐自太宗立法舉天下之財賦盡

入於左藏太府又有比部以檢覆之殿院以臨蒞之度

支以量出之則總核之計詳矣

唐食貨志故事天下財賦歸左藏而太府以時

上其數尚書比部覆具出入

然自兩稅之目興而中年之用度已數

倍於始

同上德宗相楊炎遂作兩稅法置兩稅使以總之量出制入

自無名之歛起

而元和之計簿已無救於汙吏

元和間總天下財賦作計簿

甚至事

故相仍兵革繼起財賦衰耗頗為豪將所取而進奉羨

餘移用頻借尚安以計為也

食貨志肅宗時京師豪將假取不能禁第五琦為益

鐵度支使請皆歸太盈庫自是天下之財為人君私藏有司不得程其多少

究觀黃龍之詔

旨反覆杜牧之罪言

見上又杜牧罪言云皆言土地為強藩所據

盖有痛感

於斯時之弊而不能自己者我朝所設會計之任漢耶

唐耶抑周耶吾惟觀度支置使與於三司之列雖周之

司會亦不及也

蔡龍圖官制國朝四方貢賦一歸三司號計省使位亞執政目為計相官稱首

主其恩數廩祿與參樞同益金度支戶部在唐五代皆專使領計司掌審覆百官諸司

之俸磨勘司任驅磨財計檢覆憑由之事衙司掌所攷

之財理欠掌逋欠之賦稱曰子司皆其所屬

蔡官制唐地官設度

支金部倉部戶部唐末省官分置使五代專以鹽金為理財之要分在三省之首今之金部也度支主用度戶

部主版籍故次之其子司磨勘乃今比部衙司乃今部  
官皆主秋官胄案乃今庫部屬夏官修造乃今工部河  
渠案乃今水部屬之冬官地官不得統馬皇朝盡付三  
司者可見立功以實不以文也開折司兼主度運衙司  
各所掌之財驅磨財計檢察憑由悉歸磨勘司造作軍  
器則胄案主行土木之工國修造案河防之役則河渠  
行之又子司有計司掌審覆百官諸  
司俸給理欠司掌天下逋欠財賦

外而轉運財賦恐

有橫歛

蔡官制本朝轉運使副判官督集財賦悉隸三  
司凡經費羨餘獻之三司積于左藏庫皆三司

總之內而帑藏所儲恐有橫費散在中外皆其所察

同分貯

內藏庫者皆三司總之又景祐元年程  
琳為三司使禁中有所取輒覆奏罷之

官稱首主目為

計相其權之重也如此

見上

則糾察檢柅之勢安得不行



乎噫此會計之權然也至景祐皇祐治平熙寧元祐主計者必有會計成書其生齒之籍圖地之宜調度之多寡賦收之厚薄其名其色其物其數莫不備具較然可攷是書也非籌畫之繁也非朱墨之較也又非區區於銖積寸累之利也蓋以通天下有無之故起人君仁儉之實吾觀慶厯之入二千八百十三萬六千有奇其出也二千七百五十三萬八千有奇此入之多於所出則知其無妄用之失元祐之入錢以千計者四千八百四

十八萬其出之多者一百八十二萬此出之多於所入

則知其有輕費之弊

會要慶厯之入二千八百十三萬六千五百一十六其出也二千七

百五十三萬八千四百一十八治平二千三百六十六萬八千三百五十九其出也二千三百二十八萬一千

七百二十九熙寧三千三十六萬九千九百五十二而其出也二千五百四十八萬五千有奇又元祐中蘇

軾為元祐會計錄其別有五一收支二民財三課入四儲運五經費收支錄曰今者一歲之入金以兩計者四

千四百而其出之不盡者二千七百銀以兩計者五萬七千而其出之多者六萬錢以千計者四千八百四十

八萬其出之多者一百八十二萬納絹以疋計者一百一十五萬而其出入多者十七萬穀以石計者二十四

百四十五萬而其出之不盡者七十四萬草以束計者七百九十九萬而其出之多者八百一十一萬然則一

歲之入不足以計一歲之出矣蓋關於國計之盈虛民生之休戚也大

矣故李惟清為度支帳式來上則民力久有不堪可預

知之

淳化二年度支使李惟清以帳式奏御上曰費用若此民力久何以堪當由簡省即便裁度

田

況為三司會計有錄則財賦所出可詳驗之

田況皇祐中權三司

使約景德會計錄以今財賦所入多於景德而其出多於所入者為皇祐會計錄上之冀以悟上庶更立新制

蘇轍為戶侍元祐之錄一作則一歲之入不足以給一

歲之出亦歷歷載之

見上

裁酌國用正救君心又豈遜司

會八法八則之任哉然嘗論之三君子所會之錄其有

補於國用固也上於不足之時而不上於有餘之日抑何耶蓋貫朽粟陳侈心之階公私單竭儉德之媒此正先正愛君憂國至情也獨不觀陳晉公丁謂之事乎景德間二公皆嘗為三司使也上命陳晉公具錢穀之數恕則隱而不進曰若知充羨必生侈心也

陳恕為三司使真宗

命具中外錢穀之數以聞恕諾而不進久之上屢趣不進執政詰之恕曰天子富於春秋若知府庫之充羨必生侈心是以不敢進上聞而善之問丁謂用度之數謂則錄而來上曰

府庫充溢也

景德四年三司使丁謂上景德會計錄時議封禪上慮用度不足以問謂謂奏府庫

元實遂以會錄來上後之論者以陳晉公為愛君以丁謂為媚上則知錢穀之數不可不上也亦不可苟上也噫知陳晉公之所不錄則知三君子之所以錄先正之為國慮也何仁哉

古今源流至論後集卷三

欽定四庫全書

古今源流至論後集卷四

宋 林駟 撰

浙江潮

海潮

強弩射潮江流為東則論水患者歸之天理

五代史錢鏐以強弩

射潮潮水東流

負薪塞流河不為溢則論水患者責之人力

漢武

帝自臨決河令羣臣從官自將軍以下皆負薪寘決河下淇園之竹以為障於是卒塞

夫五事既

正行無汨陳一德脩明水循故道嶽瀆之鬼神受職河海之波濤不驚此固天理之所存若非人為之能與然

蔡墨擾龍之對必謂水官當宿其業以脩其方

左昭二十八年

秋龍見于絳郊魏獻子問於蔡墨曰云云夫物物有其官官脩其方朝夕思之一日失職則死及之失官不食官宿其業其物乃至其泯弃之物乃抵伏鬱湮不育故有五行之官是謂五官

子產言宣汾洮

障大澤之功亦歸之臺駘能業其官者以見古人不泥

茫昧之數而必謹脩治之職也如此

左昭公一子產曰昔金天氏有裔子

曰昧為元冥師生允格臺駘臺駘能業其官宣汾洮障大澤以處太原帝用嘉之

然則浚治道

滌之事曾謂無益而不講乎嘗觀漢武帝時河決瓠子

東南注鉅隨塞隨壞議者皆謂江河之決人力不可強



塞也其後自臨決河羣臣從官皆寘力焉果卒塞之築

宮其上而瓠子之水息矣

漢溝洫志孝武元光中河決於瓠子東南注鉅野通於淮

泗上使汲黯鄭當時與人徒塞之輒復壞時田蚡為相言於上曰江河之決天事未易以人力強塞後二十餘歲梁楚之地尤甚於是上臨決河湛白馬玉壁令羣臣從官自將軍以下皆負薪寘決河下淇園之竹以為障乃作歌曰瓠子決兮將奈何浩浩洋洋慮殫為河云云於是卒塞瓠子築宮其上名曰宣防而道河北行二渠復

禹舊迹

成帝初河決館陶浸淫數郡民益不利議者謂一

川兼受數河雖高增堤防不能泄也其後王延世編竹寘石兩船夾載而下之三十六日河堤告成而館陶之

水治矣

成帝即位清河都尉馮遂言令屯民河塞靈鳴犢口又益不利獨一川兼受數河之任雖高增

堤防終不能泄後三歲河果決於館陶河堤使者王延世使塞以竹落長四大大九圍盛以小石兩船夾載而下三十六日河堤成

五年為河平元年推原其由漢猶近古尚有水官宿

業之意有都水長丞有河堤使者有渭水司空外此又

有陂官雲夢等官

漢百官表上

領水之職蓋非一人此所以

不慮決溢之害嗚呼天下安有難圖之事哉亦安有非

人力所致哉然此特河流之決耳嘗考之史傳海潮衝

溢其患尤難顯慶中括州海溢溺者九千餘人

唐五行志顯慶

元年九月括州暴風雨海水溢漲六月括州大風上元  
雨海溢壞永嘉安固二縣溺死者九千七十人

中青州海溢漂者五千餘家上元三年八月青州大風  
雨海溢漂居人五千餘家

同永貞中密州海溢至有毀城之決同上永貞十一年  
六月密州大風雨

海溢毀城云云海之為患尚矣至若兩浙之地襟山帶湖廣袤

無幾浮沫蔽江洪濤浴日豈能無穿齧之慮故大厯海

溢杭州同上大厯十年寶厯海溢會稽同上寶厯二年  
七月杭州海溢夏越州大風海

光化間浙江又溢壞居民者甚衆同上光化三年九  
月浙江溢壞居民

甚衆噫可畏也然讀瓠子之歌見誦黃樓之賦蘇公守  
徐河決

曹村公親入武衛營曰事急矣宜為我盡力增築城為木岸遂作黃樓賦

莫非歸功於隄防

捍築之力此不可不講也曩時錢塘江岸率用薪土潮

水衝擊屢築屢毀景祐中轉運張夏命作石堤以防江

潮於是無怒濤之衝長編曩時湖水失利取給江潮潮

多入市民甚病之元祐中杭守蘇軾浚茅山一河受江

潮浚鹽橋一河受湖水於是免市淘之潮

蘇文忠公墓誌杭本江海

之北水泉鹹苦唐刺史李泌始引西湖水作六井民足於水及白居易復浚西湖淤水入運河自河入田所溉至千頃然湖水多淤久廢開治至是積二十五萬餘文而水無幾矣運河決湖水之利取給於江潮潮濁多淤

河行闌閘中三年一洶為市井大患而六井亦幾廢公  
始至浚二河以茅山一河受江潮以鹽橋一河受湖水  
復造堰閘以為河水蓄洩之限然後以此言之大抵以  
潮不入市杭人名其堤曰蘇公堤云  
人力勝也夫錢塘本江海之地自錢氏立國大城其地  
壘石以衛塘築岸以夷谷今之通關帶闌即朝帆暮櫓  
之鄉向之魚龍出沒為連甍接棟之所重以中興南渡  
六飛駐蹕馮夷海若頰首帖耳行都千里屹然奠枕百  
年無水菑矣雖曰清蹕所臨百靈陪扈然石塘雄峙鯨  
鰲避舍非天也人也比年以來海堤頽圯鹽官居民凜

凜朝夕遣廷紳以脩理命使者以相視悠悠歲月未有  
成說談機祥者歸之時數之偶然崇詭異者委諸螭龍  
之擾害寡謀淺慮者又曰天河激湧地機翕張白浪黑  
沙下無根著有非人力之可致姑俟水勢之稍定嗟夫  
斷鰲立極猶藉人為湮谷塹山具存往迹獨不能以理  
輔智曲為障塞乎至有怠於拯溺者或欲築堤以折其  
怒或欲浚塘以殺其勢此其救患之策而未能行何也  
築堤之說近裏者為是而田之在堤外者則多方而沮

之浚塘之說田之在東鄉者為便而西鄉者復以為不可人懷私意矛盾異論官吏惑之泛泛無謀是無怪聽其為魚也昔禹之治水先自冀始蓋冀者堯所都之地有不可緩今啗岸為患密邇神京其可不亟圖之膺行河之寄者不得不任其責也雖然懷襄湯湯不害至治天作大水宋其興乎左傳莊公十一年秋宋大水公使何不吊對曰孫實不敬天降之灾又以吊焉曰天作淫雨害於棗盛若之為君憂拜命之辱戒文仲曰宋其興乎此天心仁愛之意在謹德以致和修政以治變可也今宜勉之

國論

劉元城先生曰唐虞三代與吾祖宗之時公論在上君相主之晚周東漢上之人不能主公論所用非其人於

是公論在下誠哉是言也

元城語錄天下以為當然者謂之公論公論非強名乃天

道也此道未嘗廢顧所在何如耳唐虞三代與吾祖宗之時公論在上君相主之晚周東漢上之人不能主公論所用非其人於是清議在下云云然在上則治在下則亂可以下之乎甚矣公議之存與

天地相為終始春秋之征伐彼自征伐爾戰國之縱橫彼自縱橫爾秦自坑戮東都自黨錮三國自鼎峙晉宋



以後自爾紛紛其存亡治亂之殊公議蓋未嘗一日不  
存王陵之廷爭雖不能定劉氏後致白馬之盟不寒者  
伊誰之力

漢本傳

程嬰杵臼全趙孤於艱難辛苦之中千

載而下言者猶有生氣

左傳

嗟夫天下不可無公論固

也然在上則治在下則亂在廟堂則享其福在草茅則  
受其弊元城為言確矣嘗試攷之虞夏盛時君臣一體  
片言之發則賡歌再拜當時所與同心而出治道者惟  
一二腹心大臣而已問之朝野朝野不知夫何所容其

議此固不待言耳伊尹桐宮之事天下蓋未嘗見也伊

尹行之天下信之獨非公議素明於上耶

書伊訓

周公攝

政之事四國固流言也周公任之諸大夫終服之獨非

公議自不泯於上耶

書周誥

蓋古者三公無職與王坐而

論道自冢宰而下文章議論之吏無聞焉此大臣所以

維持者甚至矣自厲王之過觀其詩則大雅之作秉國

大臣有如穆公凡伯憂民勞板蕩等詩以言之而百官

庶府尚不與聞焉

詩民勞板蕩詩

自幽王之變則小雅之作諸

大夫誦過以言之而匹夫匹婦亦不至與議焉

詩小自雅

平王之遷王迹掃地則國風之作雖國人戍卒皆得昌

言之而大雅小雅不復作焉

詩國風秦離等詩

陵夷至于六國

之際處士橫議王公卑禮議帝秦之論反主於匹夫魯

仲連清議之口定六國之計皆係於說客蘇張反覆之

舌

通鑑周紀

古者君相之權安在哉高祖之興削平煩苛

專務簡易不遽引拔戰國知名之人所以養成公論者

不可謂不至傾心所聽惟將相二三功臣耳末年太子

之廢雖出於四老人定之向非張良主於內周昌諸臣

主於外則一介踈遠必不能以言為帝輕重也

漢本傳

曹

參畧猜忌而遵蕭何之約束則卿大夫以下欲言而不

敢言

漢本傳

陳平許其請以封諸呂之爵則大臣有口欲

爭而不容爭

漢本傳

當時豪傑之士滿於山東游俠之流

盈於閭里卒不敢輕議朝廷之事者以所主有人矣

任俠

傳

以至大臣絳灌力斥少年紛更之請丞相衛綰請罷

申韓蘇張亂政之學此則漢初功臣主張國論之力

賈誼

傳及衛綰傳

自新進用事大臣見詘朔方之議屈於侍中

公孫

弘傳武帝東置滄海河北築朔方之郡弘數諫以為罷弊中國以奉無用之地愿罷之於是上使侍中朱買臣等難宏置朔方之便發十策弘不得

一乃謝曰山東鄙人不知其便

石慶傳

尊號之議屈於外戚

王莽傳

矯制之議屈於谷永

陳湯

傳

卒養成天下諂佞之俗東漢雖有公議之名無預君

相之事李膺范滂之徒一戰不勝公議敗績而漢鼎亦

不復支然則公議在下而不在上豈天下之福哉

東漢本傳

元城所謂晚周東漢上之人不能主公論者豈不信歟

國朝公論之權不在縉紳不在草茅漂漂於廟堂之上  
繁星麗天斗杓芒寒太山喬嶽屹然朝宗噫可敬也利

害文字焚之通衢則太平興國之國論在趙中令

邵氏聞見

錄趙普為相於廳事坐屏後置一甕有人投利害文字  
皆置其中滿即焚之通衢李文靖沆為相凡建議務更  
張喜激昂者一切不用每日用此報國嗚呼賢相思慮  
遠矣王荆公為相置條例司論天下利害盡變祖宗法  
益信趙中令李文靖得為國之體也

更張議論一切不行則天禧祥符之

國論在李文靖

見上

借契丹兵朝廷許之卒奪於呂夷

簡之一言

家塾記契丹借兵伐高麗明肅欲與之呂文靖公夾簡堅執不可后云遠已微許其使矣

不與恐生怨奈何公曰但以臣不肯拒之既而后語其使曰意非不與但以吕相公堅不可耳使人無語而去

殺繼遷母樞府行之而終屈於吕端之一奏

記聞保安軍奏獲李

繼遷母太宗甚喜是時寇準為樞副吕端為宰相上獨召準與之謀準退自宰相幕次前過不入端使人邀至幕中曰向者主上召君何為準曰議邊事耳端曰陛下戒君勿言於端乎準曰不然若邊鄙常事樞密院之職端不敢與知若軍國大計端備位宰相不可以莫之知也準以獲繼遷母告端曰君何以處之準曰準欲斬保安軍北門之外以戒餘逆端曰陛下以為何如曰陛下以為然今準之密院行文書耳端曰必若此非計之得也願君少緩其事文書勿亟下端將覆奏之即召閣門吏使奏宰相吕端請對上召入之端見具道準言且曰以臣之愚謂宜置於延州使善養之以招徠繼遷雖不能即降終可係其心而母死生之命在我矣上稱善曰

微卿幾誤我事。澶淵之役，王欽若言之，陳堯叟又言之，而寇萊

公獨立赤幟，確然不搖也。

記聞：寇萊公從上在澶淵，王欽若請幸金陵，陳堯叟請幸

蜀上以問公。時欽若堯叟在旁，公心知此二人所為，陽為不知，曰：「誰為陛下畫此策者？」可斬也。今敵勢憑陵，陛下當率厲衆心，進前禦敵，以衛社稷。奈何委棄宗廟，遠之楚蜀耶？」上悟乃止。濮園之議臺諫

爭之禮曹，又爭之韓琦，壁立萬仞，屹然不變也。

長編治平二年

詔議崇奉濮安懿王典禮，范純仁與呂大防合奏曰：「豺狼當道，擊逐宜先。」如宰相韓琦初不深慮，欲累濮王以不正之號。司馬光曰：「為人後者為之子，不敢復顧私親。」王珪議濮王於仁宗為兄，皇帝宜稱皇伯而不名。中書奏按儀禮為人後為其父母服，所繼所生父母皆稱父母。王珪等議稱皇伯於典禮未見明據。司馬光言：「向者



詔議濮安懿王典禮王珪等以為宜如封贈期親尊屬  
故事凡兩次會議無一人異辭者欲奉濮王以私也而  
政府欲尊為皇考誤惑聖聽二年皇太后手書令皇帝  
稱親諱避濮安懿王名下一字置園令一人從中書之  
請元祐革弊之議朝論洶洶或說以異日朋黨之禍

范鎮

遺事元祐初鎮再致仕宇文邦彥問公不起之由公曰  
事有太甚者恐他日為朋黨之禍予先使語君實不吾  
信也或告以不可為暴革之患

范純仁與司馬光素有間  
行差役法純仁以為凡法

不可暴革乃言於光且先行一時俟見其利害溫公極  
可否漸而推之光不聽純仁曰又一王介甫矣溫公極

溺救災不暇他恤

元城語錄

蓋中流砥柱萬折必東也方國

朝公論始出之時初是者什三後是者什八又其後則

人人心服皆以為當嗚呼公議之不可泯也如此夫元  
城所謂唐虞三代與吾祖宗之時公論君相主之又豈  
不信歟雖然主張國論大臣責也正救大臣臺諫責也  
古者命卿論士鄉老以三公之貴而進退其間蓋公議  
雖主於大臣而必酌於衆見也是以國朝失在廟堂救  
在臺諫此朝廷所以清明有道之際廟堂似過舉矣全  
臺論列不曰黨同扣鑼大呼不曰肆志大臣竦然知有  
公議之不可犯

明道二年郭皇后見疎呂夷簡以前罷  
相怨后范鎮言后無子當廢夷簡替其

言先敕有司無得受臺諫章疏仲淹孔道輔孫祖德蔣堂郭勸馬絳段少連宋祁劉渙詣垂拱殿門伏奏門者闔扉道輔扣銅銀大呼夷簡奏臺諫伏閣非美事乃逐道輔等熙寧之間廟堂輕變更

矣御史面折不為假借

程顥嘗言熙寧初王介甫行新法並用君子小人君子正直則

以為俗學而斥去小人諂佞則以為才能而進用如司馬光不拜樞密而去范堯夫辭脩注得罪張天祺自御史面折介甫被責君子去則所用皆小人諫官納敕不為狂躁

時范鎮諸人以爭論新法

皆納敕而去

大臣悔艾亦知為小人之所誤

荆公晚年為呂惠卿所叛始悔

用惠卿之謀鍾山題

夫以國論一出廟堂主之臺諫正

之百官庶府布衣匹夫尚復何議哉不然永樂之舉滿

朝不言

神宗朝永樂城之陷夏人決水以灌吾壘時呂惠卿所薦徐禧築永樂城夏人破之死者千餘

萬帝嘆曰永樂之患無一人言其不可者聞見錄

燕雲之役羣臣不議

又奏議陳公輔

言本朝禍變其弊實在尚同客曰崇觀宣和間王黼童貫有燕雲之謀致金人踐蹂中國今歸咎尚同毋乃不然曰熙寧以來權臣用事創立新法期於必行故天下靡然尚同至崇寧間蔡京挾紹述之說蔽欺聖明恐脇臣下凡有異議謂之詆毀先烈動搖國政故忠臣義士鉗口結舌尚同之弊甚矣遂使王黼童貫敢為燕雲之謀者特此而已矣有欲尊崇濮安懿王此特於禮經不便當時呂獻可范景仁等七八人交口攻之豈有通謀金人背祖宗盟約廢邊境守備而舉朝羣臣無人敢言者至今言之令人憤激此則可憾也噫戒之哉

# 國勢

人皆曰國勢貴乎強君子曰國勢貴乎重人皆曰國勢  
惡乎弱君子曰國勢惡乎輕夫強與重異弱與輕殊強  
弱形也輕重勢也弱之弊者臣下狃於寬而玩吾法吾  
民習於寬而玩吾治不過積寬之過而已矣輕之弊者  
柄移於臣下而朝廷褻政出於小人而紀綱紊其患有  
不可勝言者嘗謂形雖弱而勢重者周也形雖強而勢  
輕者秦也方周之治過乎弱河洛頑民三紀不服民無

畏心也

洛誥

三監有變反曰艱大臣無警心也

金滕

似鄰於

不振矣而八柄馭群臣凜然有不可干之意大臣統內

朝而近習無預政之嫌勢之重者自若也

周禮太宰

及秦之

治尚乎強以兵威服諸侯以財粟富京師以刑威劫群

臣以焚詩書尚法律愚天下之民若幾於自振矣而盜

賊羣起得以輕朝廷之勢

陳勝集

閹宦自恣得以輕政事

之權

趙高

形之強者果何益哉周之弱形正如君子長者

其勢不能與強者爭不害為大體秦之輕勢正如巨室

不能自立而納侮於僮僕尚謂國足恃乎國朝立國之勢自建隆立極以來臣民習於寬厚風俗粗於治安天下之勢近於委靡而不振朝廷之制幾於廢弛而不舉兵驕士弛吏玩財困積弱之弊識者痛之

元城語錄神廟必欲變法

者蓋有說矣祖宗以忠厚治天下至於嘉祐天下之事似乎舒緩委靡不振當時士夫亦自厭之其實根本牢固至神廟見朝廷州縣多舒緩不及漢唐每與大臣議論悚然有不悅色當時識者以為方今天下正如大富家上下充足但有僕妾遲鈍不敢改革是故何郊以總攬威柄之說進

何郊

言方今之政令不舉蓋失於寬之漸也以陛下聖明之資加有祖宗典刑具在但當總攬威柄以奮乾剛之斷

余靖以自攬威權之說進

余靖言當今為陛下計但能天子自攬威權大臣公行賞

罰沮夷狄之氣塞盜賊之源

宋綬曰攬威柄綬猶郊也

明道二年宋綬言帝王御

天下在攬威柄

歐陽脩曰執威權脩猶靖也

慶厯三年歐陽脩言內外臣庶尊陛下

下如天若一旦赫然執威權以臨之則萬事皆辦

然寬厚仁愛之心不搖於群

臣紛更之請忠信誠慤之實不悔於吏民玩治之餘寧

受夷狄之侮而終不忍用生民之命寧容臣下之欺而

終不忍失君上之體寧寄爪牙於連營坐食之兵而終

不忍役不教之民寧使小人盜賊之負我而終不忍一



毫負天下也列聖用心之寬如此其為弱也亦宜然根本所在甚於泰山四維之固大勢所歸凜然有太阿出匣之狀國勢既重弱何病焉此祖宗不貴乎強而貴乎重也然則重之之勢何如哉曰權在人主則國勢重公論在朝廷則國勢重政事在君子則國勢重是故祖宗之置參貳以分政柄防權臣也國朝乾德四年太祖已相趙普畏其專將擇官以為副而難其名稱召陶穀問曰下丞相一等有何官對曰唐有參知機務參知政事今可用之遂命薛居正呂餘慶為分樞筦以掌兵柄防叛將也范祖禹言祖宗參知政事兵法本於樞密

有發兵之權而無握兵之重京師之兵總於三帥有握兵之重而無發兵之權彼此相維不得專制此所以百三十年無兵變也

也詳見兵權

臺諫論事慷慨敢言防壅蔽也

子由龍川志張

安道為予言自設六科以來士之翹俊者爭論國政長短其始也范諷孔道輔范仲淹以才能為稱首其後晏元獻為政富鄭公參政事多置諫官乃用歐陽脩余靖蔡襄孫沔為諫官諫官日橫鄭公尤傾身下士上以謙虛為賢下以教誨為高於是朝廷輕矣

銀臺封駁不畏權要防專切也

淳化

四年太宗從魏羽請命魏庠柴成務同知給事中事制敕有未便許封駁未幾以給事中封駁隸通進銀臺司

分命監司糾察州縣防未大也

乾德以後僭偽略平始置轉運使按察帶御史景

德四年置提刑熙寧二年差官提舉常平元祐初罷紹聖九年復置天子不必攬權而權

在君上矣北辰居所衆星拱之國勢其不重乎然而人

主之權不能自重也所恃公論在朝廷耳故自慶厯盛

時責成輔相雖若威權之少弛而言路風采肅然加於

奸邪之頸

仁宗朝諫官韓絪論政事錯繆以宰相非其人堯佐與王隨同罷又夏竦拜樞時十八疏

斥治平之間政在冢宰雖若廟堂之太重而御史一疏

直攻其跋扈之態

治平間韓琦定策拜相名望隆重御史中丞王陶抗疏極言琦不押班為

跋扈熙寧以來信任柄臣雖若國體之少變而力爭新法

之臣不加罪也

王安石行新法時臺諫給舍皆言其失如司馬溫公蘇東坡呂公著范純仁皆

辨元祐之初簾帷立政雖若乾剛之未充而朝廷之公

論不可犯也

元祐初宣仁后垂簾蒞政時司馬光呂公著劉安世諸賢變熙豐弊政時有慶厯之

治

宰相臺諫主公論而公論在朝廷矣泰山喬嶽屹然

朝宗國勢其不重乎然而朝廷之公論亦不能常存也

所恃以存者君子常親而小人常遠矣故待大臣儒生

之情親而待宦官近習之情疎在講筵師席之時多而

在深宮禁密之時少不以閹宦預機密

官制舊典皇朝革唐五代宦官

驕橫之弊不使典衛統兵干預政事但專任其本職而已

不以戚里參政事

至和元年樞密

使彰德節度同平章事王貽永數以疾求罷本朝兵權外姻未有輔政者貽永在樞密十五年常遠權利

付之將帥而去內臣監軍之弊

長編治平元年呂誨上英宗云聞陝西四路各

差中官一員充鈐轄自唐以來舉兵不利未有不於監軍者奈何又增此負政令出於三省

而無中旨內降之私

趙抃言陛下李仲昌之罪狀宣諭中書行之可也付樞密院治之可

也奈何事從中出張

雜流不列於清貴之聯

官制舊典云舊制狀

元初為將作監丞一滿遷右司諫起居舍人兵部員外郎三人及第及制利一任回自太常博士遷祠部度支司封員外郎進士出身自太常博士屯田都官職方員外郎世賞自國子博士轉虞部駕部員外郎雜流自國子博士轉水部司

貂璫不加以節越之寵

王守忠疾求為節度使梁

適曰宦官無除真刺史况真節度乎上  
曰朕嘗許矣適曰除節度死有餘責

肆夏鸞和鄭聲

自遠國勢其不重乎祖宗惟不恃其可畏之威而恃其  
可重之勢故遠方不畏其兵而畏中國之有人小人不  
畏其刑而畏君子之公論倖臣近習不畏其法而畏朝  
廷之紀綱西蕃悍於邊陲而屈服於王文正之一言

王旦

言行錄

狄青嘗將百萬精兵而膽落於王文忠之清議

王堯臣傳時樞使狄青以軍功起行伍居大位而士卒  
多屬目往往造作言語以相扇動人情以為疑而青色  
頗自得公嘗以語衆折青為陳禍福言古將帥起微王  
賤至富貴而不能保首領者可以為鑒戒青稍沮畏王

守忠姦邪反覆群臣百計不能去而俛首於韓公之竄

聞見錄英宗即位有疾光獻皇后垂簾同聽政有入內都知王守忠者奸邪反覆間謀兩宮司馬溫公知諫院呂諫議為侍御史凡十數章請誅之韓魏公一日出空頭敕一道參政歐陽公已簽書矣參政趙公緊難之問歐公曰何如歐公曰第書之韓公必自有說魏公坐政事堂以頭子勾守忠著立庭下數之曰汝罪當死責斬州團練副使蘄州安置取空頭敕填之即日押行乃治平元年八月也契丹桀驁陸梁中

國兵甲不能服而寒心於司馬之相

元祐初司馬溫公入相遼人救其邊

吏曰中國相司馬矣謹毋生事開邊隙

夫聖朝之所以服四方威強暴戢

近習豈其力必可以制生死之命哉君上有大權朝廷

有公論天下有君子而已今日欲重國勢當以祖宗之  
已行者而為法云

君子

君子之名何始乎三代以前無有也直道之行誰毀誰  
譽至治之世人人有行天下陰受君子之功而不知有  
君子之名甚哉君子之名見於世非君子之福也何者  
名者天下之令名非惟人情不堪造物亦不堪耳吾  
而以君子自處孰肯以小人自名此君子之名人以為



幸而君子以為不幸也漢初天下未嘗無君子而當時未嘗指名其人也雖尊顯於高祖涵養於孝文收拾於武帝而天下安有君子小人兩立之形哉自望之輔政劉向繼用周堪更生諸賢亦彈冠相慶於是有用君子之迹然亦未盛也

石顯傳初元中前將軍蕭望之及光祿大夫周堪宗正劉更生皆給事中

望之領尚書事知石顯專權邪辟建白以為尚書百官之本國家樞機宜以通明公正處之請罷中書之官應古制不近刑人元帝不聽由是大與不叶後皆害焉望之自殺堪更生廢錮不得復進用後大中大夫張猛魏郡太守京房御史中丞陳咸待詔賈捐之皆嘗奏封事或召見言顯短顯求其罪擠害之至李膺杜

喬用事而君子之勢始振陳蕃李膺一出而君子之名始盛挺身於虎豹之中砥柱於風波之表自三代以後未有盛於斯時也

詳見東漢黨錮傳

然一沮於宏恭石顯之姦

再沮於曹騰侯覽之詐豈漢君子之福耶

見上

唐初天下

亦未嘗無君子而當時亦未嘗指名其人也雖戕賊於武氏萌孽於開元消沮於李林甫元載之手而天下安有朋黨之說哉自杜黃裳裴垍引用賢者李絳李藩武元衡裴度諸人皆拔茅彙進於是有用君子之名然亦

未害也

裴瑄傳瑄為學士時引李絳崔羣與同列及相又擢韋貫之裴度知制誥李夷簡為御史中丞

皆踵躡為輔相號名臣自他選任罔不精明人無異言故元和之治百度修舉稱朝無幸人又李藩傳裴瑄

曰憲宗謂藩有宰相器會鄭絪罷因拜相又史臣曰

裴瑄精鑒默識舉賢任能如崔羣裴度韋貫之輩咸登

將相皆至裴度元老反為新進小人所排而朋黨之說

始起憲宗朝度入朝第勲進金紫光祿大夫復知政事程昇皇甫鎛以言財賦幸俄得宰相度極論不可

帝不納纖人始得乘鎛率為所構出為河東節度使至穆宗議者交口請相度乃以本官兼平章事時權幸側

目謂李逢吉險謀可構度共諷帝召逢吉還度相閱月果為逢吉所間出為節度僧孺宗閔遂

與德裕立敵而朋黨之說始熾唐憲宗時牛僧孺皇甫湜李宗閔對策歷指時

政之失無所避李吉甫惡其直亦訴於上故僧孺久不調穆宗時李德裕以父恨李宗閔常對策譏切遂恨之

李進則牛之囊索為之一空牛進則李之門戶為之一

掃自歷代以來未有熾於斯時也然竄逐於嶺海之隅

間關於蠻瘴之鄉豈唐君子之幸耶

李德裕傳

愚願天下享

君子之福不願天下羨君子之名願君子立終身之節

不願君子植正人之黨願國家當如三代漢唐之初不

願國家如建寧會昌之際也宋興百年公道大明私論

退聽納天下於渾淪元氣中趙忠獻李文靖王文正諸

公為政天下晏然享其福而不知其功初不分其君子之目中葉以來名字一立而君子之蒙禍也有三推原其故皆起於君子好自異於世耳嘗觀慶厯間富范登朝一竦方去是時正人雖少伸矣而竦之蓄憤伺隙未已也吾深局固鑄於中猶恐無以杜奸人之計況夫石徂徠聖德一詩侈歌一夔一契之名則安得不激小人之變自富范之受是名也而朋黨之名遂作一網之計得行富范果不旋踵而去矣吁渭清涇濁別白太明一

夔一契之名於士大夫乎奚益

慶歷間夏竦除樞使董諫十八疏力爭遂寢時

石介作聖德詩曰於維慶歷三年三月云云維仲淹弼一夔一契予早識琦琦有奇骨可屬大事重厚如勃日衍汝來汝予黃髮心如一分率履不越云云衆賢之進如茅斯拔大奸之去如距斯脫大奸蓋斥竦也泰山先生曰子禍始於此矣介卒竦言於仁宗曰介實不死北走胡矣出中使發介棺呂夷簡令中使責親屬狀入奏仁宗亦寤竦之譖又先是石介奏記於富弼責以行伊周之事夏竦怨介斥己乃使女奴陰習介書改伊周作伊霍上雖不信而仲淹弼不自安皆請出按西北邊進奏院祠神蘇舜欽循前用舊故紙錢召妓女開席王拱辰諷周魚詢勸奏貶舜欽因貶王洙尹約江休復元王益柔宋敏求徐受等拱辰喜曰吾一網打盡矣

祐初中國既相司馬而鱗集左右者皆賢士大夫是時

吾道雖粗伸矣而章蔡之訐怨伺間求以報復於我者  
百端也吾蓄銚隱銳而不露焉猶恐小人之窺吾便也  
況夫蘇劉諸君子恬不自悟而且唱為朔黨川黨之名  
自蘇劉之植是名也而小人愈得以肆其計文德黨碑  
之立而諸君子皆海之隅嶺之表矣吁操戈入室自相  
排抵朔黨川黨之名於士大夫乎奚補

聞見錄哲宗即位犀賢畢集忠

厚不擾庶幾嘉祐之風矣然雖賢者不免以類相從故當時川黨洛黨朔黨之語洛黨者以程正叔為領袖朱  
光庭賈易等為羽翼川黨者以蘇子瞻為領袖呂陶等  
為羽翼朔黨者以劉摯梁燾王岩叟劉安世為領袖羽

翼尤衆諸黨相攻不已時退元豐大臣于散地訢怨刺  
骨陰伺間隙而諸賢不悟自立黨相毀至紹聖初章子  
厚為相目以為元祐黨竄嶺海之外可哀也呂微仲秦  
人慙直無黨范淳夫蜀人師溫公不立黨亦不免竄逐  
以死尤可哀也元祐奸黨并元符黨凡三百七十人  
起司馬光止王化基上親書刻石於文德殿之東壁又  
詔蔡京頒諸路立碑後劉達勸上碎元祐黨碑除上書  
係籍人禁夜半遣黃門毀石刻而步里客談云大雷雨  
碎宣和  
殿碑 紹淳間山斗大儒以標準一世之人望而主張

吾道之正盟伊川之蒐方駸駸而有生氣然奸人在旁  
側目睥睨而已欲倒吾道之戈矣况吾又從立道學之  
名以標的天下縉紳士夫趨者如流自道學之名熾而



小人之憾深既而權倖得志善類一空黨以消天下之名流偽以排天下之正學間關萬里之行道學之大不幸可知矣吁抽關啓鑰示人可投一切道學之名於士

大夫奚利

趙鼎入相招用胡寅諸賢皆伊川門人也後秦檜用事諸賢皆外竄斥又開禧姦臣以道

學為偽學而道學之黨盡逐矣

夫名者所以自別於君子也而反以為

君子之累名者所以求異於小人也而適以激天下之怨則夫士大夫亦奚貴於此名哉蓋天下之為小人者常多而為君子者常少君子之防小人也常踈而小人

之擠君子也常巧故范希文不喜徂徠聖德詩而指徂

徠為怪鬼蓋事出於怪則必至於招小人之謗也

石守道作

聖德詩范希文見之以為怪鬼張安道亦雅不喜石元  
介謂狂謫盜名所以與歐范不足至人目以姦邪

城了翁亦惟願士大夫有此名節而不願士大夫立此  
門戶自立以求異則必至於啓小人之爭也吁可畏哉

### 去小人

甚矣小人之詐也以便佞為車以邪捷為途以似忠似  
信而沽名以偽言偽行而欺世心術反覆險如山川智

謀陰密詭如鬼神噫可畏哉開國承家小人勿用則小  
人不容於創造之時鬼方之克小人勿用則小人不  
容於興復之日是不使一日得安其身也雖然天下未  
有無小人之世聖人未有無去小人之術當未進之時  
則牢辭固拒惟恐微隙之可乘迨既衰之後則力贊勇決  
惟恐舊根之復蔓此所以無小人之禍歟方朝廷清明  
國家尊嚴君有剛健中正之資臣有厥孚交如之志斯  
時也虎豹在山蛟龍在淵若無事也而聖人必杜漸於

冥冥之中履霜之警恐其堅也取女之戒懼其壯也童牛之牯防其盛也金柅之係止其進也無非拒絕於未進之時如舜之去四凶成王之誅管蔡是也

並書

不然王

衍未用或者知其必壞蒼生後用之而為晉禍

晉書王衍神情

明秀少時山濤見之嗟歎良久曰何物老嫗生寧馨兒然誤天下蒼生者未必非此人也後衍佐政惟尚清談晉果有夷狄之禍至東海孝獻王趙薨王衍等相與奉越喪還葬東海石勒遣輕騎追之無一人得免者執太尉衍等坐之幕下行言少無宦情勒曰君少登朝何盧得言無宦情破壞天下非君而誰夜使人排牆殺之盧杞未用識者恐其他日之得志後用之而為唐害信夫

小人不可不防於其始

盧杞奕之子也貌醜色如藍郭子儀每見賓客婢妾不離側杞

嘗往問疾子儀悉屏侍妾獨隱几待之或問其故子儀曰杞貌陋心險婦人輩見之必笑他日杞得志吾族無類矣後得志中傷顏真卿李揆復以趙贊判度支於是間衆除陌之暴縱矣後李懷光謀反因暴言杞罪惡士議沸譁乃貶為新州司馬後遷澧州至剛道浸長群疑已亡衆正有彈冠

之慶小人有孤睽之勢斯時也高臺忽傾曲池忽平若

無虞也而聖人必致慮於衰微之際揚于王庭發衆聽

也君子夫夫厲剛志也獲孤於田示無縱也射隼於墉

示必誅也無非鋤剔於已消之後如魏相之去霍氏

宣帝

時霍氏縱橫霍顯及禹山雲自見日侵削  
謀廢太子事覺山雲自殺禹要斬顯棄市  
五王之去二

張是也

張柬之桓彥範敬暉袁恕已崔元暉封五王始

帥左右羽林兵五百餘人至元武門  
迎太子於是收張易之昌宗梟首  
不然望之為政先

漢君子方幸以為福而望之不知戒懼反為小人所乘

蕭望之等患許史放縱又疾恭顯擅權乞罷中書宦者  
由是大與高恭顯忤望之周堪數薦名儒鄭朋陰欲附  
望之後望之知其傾邪絕不與通朋乃更入許史後恭  
顯令鄭朋華龍告望之等謀罷退許史狀恭顯因奏望  
之堪更生朋黨毀離親戚請召致廷尉上初即位不省  
召致廷尉為下獄也可其奏後上召堪更生曰繫獄上  
責恭顯皆叩頭謝上欲用望之為相恭顯及許史子弟  
皆側目於望之會望之子散騎中郎伋訟望之前事恭

顯等言望之幸得不坐不悔過教子上書歸非於上非  
頗屈望之於牢獄塞其怏怏則聖朝無以施恩厚上可  
其奏望之自殺陳蕃得志後漢君子方恃以為依而反為小人

所陷信夫小人不可不盡絕於其終

實后委政於蕃蕃與后父實武同心

盡力召用名賢共參政事天下之士莫不想望太平中  
常侍曹節王甫等與共交構諂事太后蕃嘗疾之志誅  
宦官會武亦有謀蕃乃上疏言侯覽與趙夫人並亂天  
下今不急誅必生變蕃因與武謀之及事泄曹節等矯  
詔誅武等亦執蕃送獄中即日害之愚嘗感世道盛衰之由觀小人進退

之機竊於本朝增慨焉自建隆一陽之萌駸駸而至於  
慶厯六陽之盛天下皆君子而小人不多見也自熙寧

一陰之生紛紛而至於宣靖六陰之極君子委蛇退縮  
波流風靡而小人荆棘多矣當夫熙寧之初王介甫方

進也新參彈文呂誨力排

王介甫初拜參政呂誨將對於崇政殿溫公密問曰今日

請對何事呂誨曰袖中彈文乃新參也溫公曰以介甫之文學行義命至之日衆喜得人奈何論之誨曰安石雖有時名然好執偏見喜人佞己若在侍從猶或可容置諸宰輔天下必受其弊矣辯姦一篇老

泉深詆

王安石名始盛歐陽公勸詢與之遊蘇公曰王安石名始盛歐陽公勸詢與之遊蘇公曰李

定新入也敏求當制不肯草詞李蘇舍人相繼封還當

時諸賢凜凜於堅冰之至也切矣

神宗方厲精為治急於人才王安石薦秀



州判官李定召見拜太子中允監察御史裏行知制誥  
呂大臨宋敏求以定驟入幕大職而升朝著任執法非  
故事與蘇頌相繼封還詞頭不草制詔蘇頌  
三人皆罷而定御史之命亦中寢蘇頌墓誌惜夫安石

雖沮而復用

呂氏家塾記中丞呂公誨論荆公十事荆公力求去位上為出呂公而韓魏公亦論

青苗奏至荆公稱疾求分司上不許

李定雖寢而復行

李定不除御史裏行安石復引用之

新進登朝群憮塞路以章呂為腹心張琥為爪牙劉孝

孫張商英為鷹犬元絳陳繹為廝役

唐垌言安石用章呂曾布為腹心張

琥李定為爪牙劉孝孫張商英為鷹犬元絳陳繹為廝役逆意者久不召還附同者雖不肖為賢又置市易司都人有致餓死者以安石比李林甫盧杞而溫公名流皆投閑居棄散地矣

程顥言熙寧初王介甫行新法並用君子小人君子正直則以為俗學小人諂佞則以為才能如司馬光不拜樞密而去范堯夫辭修注則罪張天祺自御史面折介甫被責君子去則所用皆小人 嗚呼蟻穴

不塞遂成江河熒熒星火果焚玉石此始者不能杜安

石進用之門而使非類敢倒公議之戈也迨夫元祐之

初公論有歸群正翔集或以叅用熙寧舊臣之說告而

溫公慨然曰天若祚宋必無此事也

哲宗即位溫公當國悉改熙豐舊事

或曰舊臣如呂惠卿章惇輩皆小人他日有以父子之義問上則朋黨之禍作矣光正色曰天若祚宋必無此事必改之不疑君子謂光之勇孟軻不如若曰參用或熙寧諸臣共變其法以絕異時之禍實光所不取也

以引進元豐黨人之說進而蘇公毅然曰君子小人不

可並處也

元祐五年呂大防劉摯言欲引用元豐黨人以平舊怨謂之調停蘇公言君子小人不可

並處議者欲與之共事欲以此調停其黨此人若進必害正人以快私忍人臣被禍不足言所惜者朝廷也太皇太后曰蘇公疑吾君臣並用邪正言極中理自此兼用邪正之說始衰當時諸賢拳拳於

羸豕之戒也至矣惜夫范忠宣主持平之論而小人之

竄返

范純仁自為執政務以博大開上意忠厚篤士風在樞府時言者攻章惇鄧綰公皆力為救解因言

臣嘗為綰誣奏坐黜今日所陳恐錄人過太深實係國體兩宮感悟即日使手詔嘉納因下詔書前日希合附會之人一切勿問書者亦勿復以言既而在呂汲公持庭頗分朋黨議論多出私意浸潤之說稍行

內恕之心而小人之脉盛

哲宗親政呂汲公欲用楊畏為諫議大夫忠宣公曰天子

諫官當用正人楊畏不可用汲公方約畏為助謂忠宣公豈以楊畏嘗言公耶忠宣公曰不知也蓋上初召忠宣畏嘗有言上不行忠宣故不知也

倖門一開趨者灑

倒清臣一用而首唱紹述

元祐中劉摯言神宗廟命大臣不可盡去宜於張璪三人

內罷璪以安天下留安燾清臣以全國體至紹聖元年清臣首倡紹述鄧伯溫和之楊畏一進而

盡援邪黨

元祐八年畏言神宗更法以垂萬世乞賜講求成紹述之道即疏章惇安燾呂惠卿鄧伯

溫李清臣行義乞召章惇為相上納之

而元祐諸賢皆海之隅嶺之表矣

聞見錄元祐初退元豐大臣于散地嗟怨刺骨陰伺間隙而諸賢不悟自立黨相毀至紹聖初章惇為相日以

為元祐黨竄嶺  
海之外可哀也  
嗚呼冰炭同處必至交爭黨猶共器久

當遺臭此始者不能盡絕熙豐之黨而復蔓根莠之害

也愚嘗論之使熙寧之初沮抑金陵亦如慶厯十八疏

攻夏竦之力則熙豐餘孽不為異日之宣靖

仁宗朝呂夷簡罷相

夏竦受樞密使時十八疏爭之卒奪其命代以杜衍聖德詩所謂大姦之去如距斯脫者此也使元祐

之初斥逐舊黨亦如乾興諸公逐丁謂群邪之決則元

祐善治不為異日之紹聖

仁宗即位乾興初年王曾言謂今雷允恭擅移皇堂於絕

地太后怒貶謂并曹利用馮拯王欽若諸人凡向之黨丁謂者皆貶斥

惜哉蓋天將祚人

之國必先福其君子禍其小人觀其君子之衆多如林  
福壽如山小人之消鑠如冰奔逐如流則知其國之盛  
觀其君子之寥落如晨星摧折如霜木小人之依憑如  
城狐遺毒如螫蝮則知其國之微天意甚可懼也噫熙  
寧貽為宣靖元祐反為紹聖者天耶人耶雖然此論小  
人未進既退之勢也不幸由徑而入媚竈而來盤據華  
津布列要路將決裂之太亟耶則必激反噬之忿抑包  
容而兼收耶則將有遺患之憂必也上有知人灼俊之

君下有平心處事之臣立剛直之的以為之唱開中正之門以為之歸涵濡愧悔善心自生則小人亦可化為君子之習呂夷簡本小人之黨耳得脩靖諸公為之規諷既而不念舊事與仲淹有相約之歡

呂夷簡因廢后事與范仲淹相

忤而歐陽脩余靖尹洙皆以仲淹黨去國當時諸賢極論夷簡後夷簡入朝言於仁宗曰仲淹賢者朝廷將用之即除龍圖學士陝西安撫仲淹謝曰向以公事忤相公何意獎拔夷簡曰夷簡豈敢以舊事為念耶於是二公歡然相約戮力平賊天下之士皆以此多二公又蘇子由云申公非諸公並攻其短其害必有甚也陳

執中本俗吏之流耳得蔡襄為之救正既而薦引名士

而東坡亦有可賢之嘆

蔡襄言陳執中剛愎不才不可任以事又東坡志林王鞏云

其父仲儀言陳執中罷相仁宗問誰可代卿者執中舉吳育上即召赴闕會乾元節侍宴偶醉坐睡忽驚顧附床呼其從者上愕然即除西京蘭臺以此觀此又變佞之執中雖俗吏亦可賢也育之不相命矣夫

為忠之道也故併論之



古今源流至論後集卷四